



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel  
Francofurti Ad Moenum, 1690**

Caput XXI. a Clemens III.

---

[urn:nbn:de:hbz:466:1-74544](#)

care, atque excommunicatos denunciare; &  
tunc eorum absolutio Romano Pontifici refer-  
atur. Latius prosequitur expositionem hujus ex-  
communicationis Gibalinus verbo *Incendiarius*.

d Laborare.] Esi graviter peccant beneficia de  
manu laici accipiendo, ut probavi in cap. quisquis,  
de elect.

## CAPUT XX.

a Clemens III.

**A**d eminentiam Sedis Apostolicae est recurrendum quotiens articulus dubitatio-  
nis emergit, ut tantò quis promptiori conscientia recipiat, & observet, quod su-  
per re dubia sibi fuerit a Sede Apostolica responsum, quantò prærogativā dignitatis  
illius certiori noscitur ipsius sententia veritate rborata, quæ in beato Petro Apostolo-  
rum Principe præ omnibus aliis amplitudinem prælationis accepit. Sicut autem ex  
parte fraternitatis tuae nostris est auribus intimatum, dubium tibi existit, utrum iij sint  
absolutionis consequuti beneficium, qui cum pro injectione manuum in clericos, vel  
alias religiosas personas, excommunicationem incurrerint, à legatis Cardinalibus, qui  
à c. latere Rom. pont. destinantur pro tempore, fuerint absoluti, cum ijdem Legati  
mandatum sibi super hoc non ostendant exprelsum. Super quo id à te, ac tuis suffra-  
ganeis volumus observari, ut eos habeatis absque omni hæsitationis scrupulo absolutos,  
quos constiterit à d. talibus beneficium fuisse absolutionis adeptos.

## NOTÆ.

a **Clemens III.**] Ita etiam legitur in secunda  
collectione, sub hoc tit. cap. 9, et si nullib[us] ex-  
primatur cui Praelato rescribat Pontifex.

b **Religiosas personas.**] Canonicos videlicet re-  
gulares, religiosos, aut conversos ut probavi in cap.  
non dubium s. hoc tit.

I. c **A latere.**] Non tamen temporibus Clemens  
III. omnes Legati à latere ex Cardinalibus  
eligerantur, sed ex Episcopis, aut Archiepisco-  
pis, ut probant Glossa in cap. excommunicatis, de  
offic. leg. Souchetus ad epist. 260. Ieron. Carnot.  
Unde ex praesentibus verbis, Legati Cardinalibus,  
non inferas, his temporibus omnes Legatos à la-  
tere fuisse Cardinales, licet postea observatum sit,  
ut non nisi Cardinales Legati mittantur à latere,  
seu de latere.

d **Atalibus.**] Legatis videlicet à latere, nam  
inter eos, & alios Legatos missos, seu natos ma-  
gna versatur differentia; nam Legatus à latere à  
quacunque percussione poterit absolvere, tam eos  
qui sunt de sua provincia, quam alios omnes,  
quia ad eum recurrerint toto tempore suæ legatio-  
nis, hoc est à die, quo à Curia Romana egredie-  
tur, usque ad diem, quo ad ipsam regredieruntur.  
Glossa, & Panormit. in cap. excommunicatis, de  
offic. legar. Legatus vero missus, qui non est à  
latere, non potest absolvere nisi eos, qui sunt de  
provincia sibi commissa, & quandiu in ea exti-  
tit, ut facilè colligitur ex d. cap. excommunicatis.  
Tandem Legatus natus qui Legati officium simul  
cum ipsa dignitate habet, non potest absolvere  
ab hac excommunicatione, nisi in casibus, in  
quibus alij ordinarij absolvere possunt. Molina  
de ius in tract. 3. disp. 58. Gibalin. in synopsi, fol. 456.

2.

## CAPUT XXI.

a Clemens III.

**A**nobis fuit ex parte tua quæstum, utrum si quis ita pronunciaverit: Qui b fur-  
tum fecerit, excommunicatus sit? hæc generalis clausula ad ipsius excommuni-  
catoris subditos referatur, an generaliter extendatur ad omnes, qui non sunt de iu-  
risdictione illius. Ad hoc utique dicimus quod hac sententia non nisi e subditii obligan-  
tur, nisi forte postea contulerit major, & largior auctoritas delegantis.

## NOTÆ.

I. a **Clemens III.**] Ita etiam legitur in secunda  
collectione, sub hoc tit. cap. 10. nullib[us] ta-  
men exprimatur cui rescribat Pontifex.

2. b **Furtum fecerit.**] Quatenus pro futuris cul-  
pis possit excommunicatione proferri, pro conci-  
llatione hujus textus cum cap. Romana, §. cave-  
ant, hoc titul. in 6. expositi in cap. præterea, 40. de-  
appellat.

c **Non nisi subditus.**] Glossa in praesenti expli-

cat, quatenus per mortem Praelati, aut transla-  
tionem ad aliam Ecclesiam cesseret excommunica-  
tio: quam tractationem prosequuntur ultra lau-  
datos à Barbosa in praesenti, Suarez de censur.  
disp. 20. sect. 2. Gibalinus eod. tract. disquisit. 1.  
q. 3 num. 1. Balleus verbo Excommunicatio 1. nu. 6.  
Cornejo tom. 3. de censur. tract. 5. disp. 4. dub. 3. q. 3.  
Diana p. 5. tract. 9. refol. 64.

## COMEN.

## COMMENTARIUM.

4. **Q**uemadmodum per personas, ita etiam per loca distincte sunt iurisdictiones, ne aliquin turbentur, & confundantur; unde administrationi, & territorio adhaerere jurisdictionem Iustinianus affirmat in l. ult. C. ubi & apud quem, & notarunt Petrus Gregor. lib. 47. syntag. cap. 21. num. 33. Donellus lib. 17. comment. cap. 9 ubi plures Ofualdus litera C. Cujacius lib. 1. Pauli ad edit. in l. ult. ff. de jurisd. ubi Faber, & Goueannus: Revardus lib. 3. conject. cap. 10. Covat. pract. cap. 10. num. 7. & in cap. alma, 1. p. §. 10. Suarez de censur. disput. 5. sect. 4. & 5. & disput. 26. sect. 1. num. 9. Hinc extra territorium ius dicenti impunè non pareri, Paulus affirmat in l. final. ff. de jurisd. Hinc Praeses provincie in subditos suæ provinciæ tantum imperium habere dum in provincia est, affirmit idem Paulus in l. 3. ff. de offic. Presid. Hinc proconsulem, eti si ubique proconsularia insignia habere posse. Vlpianus affirmit in l. 1. ff. de offic. Proconsul potestatem autem exercere non posse, nisi in ea provincia sola, quæ ei decreta est. idem affirmit in d. l. 1. vers. Poteſtatem: inter quæ, & Præsidem provincie non contemnendam differentiam primus observavit Cujacius lib. 20. obſerv. cap. 37. Hinc Duumviro non licere extollere potestatem falcum extra metas territorij proprie civitatis, Honorius, & Theodosius statuunt in l. Duumvirum 53. C. de Decur. lib. 10. Hinc extra provinciæ terminos non esse licentiam acculatori progredi, constituant Imperat. in l. ultra 10. l. extra 16. C. Theodos. de accusat. Faciunt lex cum vnu, §. is. ff. de bonis autorit. judic. l. in fine, ff. de offic. Prefect. Vrb. & regulariter certum est, jurisdictionem contentiolam extra territorium exerceri non posse; à qua regula excipitur casus singulatus relatus in l. non tantum 51. §. sed Articuliano, ff. de fideicommissi. libert. Hinc etiam cum inter Episcopos dicentes divisæ essent, ita ut uniuersique, & proprium territorium, & propria jurisdictione assignaretur, cap. præcipimus 16. q. 1. cap. licet, §. hoc multipliciter, cap. inter memoratos, cap. dilectio 16. q. 3. variis canonibus statutum est in alienos subditos jurisdictionem exerceri non posse, cap. nullus, cap. nullum 9. q. 2. cap. Episcopum, cap. Episcopi, cap. non invitati, cap. Episcopus 7. q. 1. cap. quis Episcopus 11 q. 3. cap. novit, de offic. Legat. cap. Pastorale, de rescrip. cap. 2. de constit. lib. 6.

*cap. ut litigantes, de offic. Ordin. ed. lib. Probavi latè in cap. nullus, de parochiis. Unde quæsumus fuit à Clemente III. in praesenti, an sententia promulgata à judice ecclesiastico, ut quisquis furtum committeret, excommunicationem incurreret, ligaret etiam non subditos ibi furtum committentes, & etiam subditos proprios in aliena diœcesi furtum perpetrantes? Et videbatur utroque excommunicatione ligari. Primos, quia ratione d. lieti, hoc est furti perpetrati, fortinunt forum & subditi sunt illius iudicis, in cuius territorio peccarunt, ex traditis in cap. final. de foro compet. Secundos, quia subditi ubicunque sint, & vagentur, tenentur legibus propriis. Sed adhuc decretivit contrarium Clemens III. asserters non subditos furtum perpetrantes non ligari prædicta excommunicatione: & similiter subditos extra diœcесim furtum committentes non incidere in eam excommunicationem, docetur in cap. 2. de constit. lib. 6. quare Doctores variè præsentem textum accipiunt. Panormitanus, & Felinus hic, Anchataranus, & Francus in d. cap. Romana, §. caveant, docent præsentem textum procedere in excommunicatione lata per modum sententia, non verò per modum statui: sed eos recte refellit Basilius de matrim. lib. 5. cap. 7. Quare eā foliorione omisla, & alii tradidit Suarez lib. 3. de legibus, cap. 32. Petrus Gregor. lib. 4. partit. tit. 16. cap. 5. Covat. in cap. alma, 1. p. §. 10. Suarez de relig. tract. de diebus festis, cap. 13. Acuñain cap. que contra 2. diff. 8. Thomas Benni. de immunit. eccles. rom. 2. cap. 11. dubit. 1. Balboa in cap. 40. de appellat. num. 8. dicendum est in præsenti casu, alienos subditos furtum committentes, excommunicationem non contrahere, quia licet ratione furti possent puniri ab Episcopo, in cuius territorio illud commiserunt, tamen excommunicationem ab eo statutam non contrahunt, quia cum ejus subditi non essent ratione loci, iustum ignorantie causam habent, cum nescirent talē excommunicationem in fures latan. esse. Tapias rom. 1. Catena mor. lib. 4. q. 16. art. 4. Ex eadem etiam ratione subditus proprii in aliena diœcesi furtum perpetrantes non ligantur simili excommunicatione, cum etiam ejus ingnari furtum admisissent, immo & furtum hoc calū perpetrantem in loco exempto intra ipsam diœcесim, non incidere in excommunicationem docet Marinis lib. 1. resol. cap. 112. alia prolequitur Theophilus Raynaud. tom. 14. de literis monit. quæst. 9.*

## CAPUT XXII.

## a Clemens III.

**C**onquesti sunt nobis dil. fil. b Regin. Canonici, quod I. de Malafrena, & I. filius Caluaca, & eorum sequaces, Ecclesiam de Miliaton, & alias quasdam Ecclesias Regin. Episcopatus violenter fregerunt, easque spoliare minimè dubitaverunt, & quosdam homines Reginen. Ecclesia deprædati nullatenus dubitaverunt. Quoniam igitur hæc gravia sunt, nec clausis debent oculis pertransiri, mandamus quatenus si ita est, memoratos sacrilegos publicè accentis candelis, ap. cess. excommunicatos & denuncietis, & faciatis sicut excommunicatos arctius evitari, donec passis injuriam congreu satisfaciant, & illata damna data resarciant, & cum literis vestris rei veritatem continentibus se Sedis Apostolicae conspectui repræsentent.

NOTÆ.